

Radononza generala dalla Pleiv catolica romana Trun

Protocol digl 1. da fenadur 2020 allas 20.00 uras en sala da cultura en scola Trun

1. Beinvegni, approvaziun dalla gliesta da tractandas, elecziuns dumbravuschs

Il president fa in cordial beinvegni a tuts presents (total 22). In special beinvegni fa el a nies plevon sur Tomasz ed a Serafin Rensch, anteriur president.

Perstgisas: Isabelle e Giusep Defuns, Roger Alig, Gabriela Vincenz, Gabriela Tomaschett

La gliesta da tractandas ei stada publicada duas gadas el feagl ufficial, l'emprema ga ils 19-06, pia pli ch'il termin da 10 dis tenor art. 16 da nossa constituziun. La radunonza ei pia convocada legalmein e la gliesta da tractandas aschia approvada.

Las tractandas 2-6 e 8 cun tuttass informaziuns necessarias ein stadas piazzadas odem las baselgias da Schlans, Trun e Zignau.

La gliesta da tractandas vegn approvada unanimamein sco prelegida.

Sco dumbravuschs vegnan Fis Guldemann e Serafin Rensch elegi unanimamein.

2. Protocol dalla radunonza generala dils 10 d'avrel 2019

Il protocol dalla radunonza generala dils 10 d'avrel 2019 vegn approbaus unanimamein. Cordial engraziament alla actura Olivia Pfister-Tgetgel.

3. Rapports

a) President

Il president menziunescha in pèr puncts essenzials ord siu rapport. En special declara el la situaziun d'instrucziun da religiun el scalem superiur. Naven dil proxim onn da scola vegn Stephan Boli da Mols ad instruir il scalem superiur el rom da religiun.

Il rapport cumplet ei annexaus a quest protocol.

Cun in Babnos essan nus seregurdai dils defuncts. Possien els ruassar en pasch.

b) Administratur dils beins

Igl administratur dils beins, Benedetg Albin, orientescha cuortamein sur da differentas caussas. Il rapport cumplet ei annexaus a quest protocol.

4. Rendaquen per 2019**a) Rapport dil cassier**

Il cassier, Alois Tomaschett, presenta il quen dalla pleiv che siara cun entradas da frs. 397'052.14 ed expensas da frs. 390'059.61 che muntan in gudogn da frs. 6'992.53. La facultad dalla pleiv pils 31.12.2019 munta frs. 631'394.06.

Il quen cumplet ei annexaus a quest protocol.

b) Rapport dils revisurs

En num dils revisurs confirma Gion Friberg

- ch'ils mussaments d'entradas ed expensas ein avon maun
- ch'ils contos da bilanza e dil quen da menaschi corrispundan allas cudischaziuns
- che la facultad corrispunda alla bilanza dils 31-12-2019.
- che la contabilitad ei menada a moda exemplarica

c) Approbaziun dil quen e conclus da scarica

Sin fundament dil rapport da revisiun propona il revisur d'approbar il quen digl onn 2019 cun dar scarica alla suprastanza.

La radunonza approbescha unanimamein il quen 2019 e dat scarica alla suprastanza.

5. Rendaquen dallas fundaziuns per 2019**a) Rapport dil plevon**

Sur Tomasz dat rapport sur dil quen dallas capluttas e messas fundadas. Il cassier Alois dat rapport dalla facultad dils fondos ecclesiastics.

Il quen cumplet ei annexaus a quest protocol.

b) Rapport da gestiun

Il revisur Gion Friberg propona d'approbar il quen.

La radunonza approbescha unanimamein il quen 2019 dallas fundaziuns.

Il president engrazia als funcziunaris dallas differentas fundaziuns pigl engaschi e la buna lavur.

6. Preventiv 2021

Il cassier Alois Tomaschett presenta il preventiv per 2021 cun entradas da frs. 328'900.- ed expensas da frs. 332'000.- che preveda ina sperdita da frs. 3'100.-

Il preventiv 2021 ei annexaus al protocol.

La radunonza approbescha unanimamein il preventiv 2021.

7. Fixaziun dil pei da taglia per 2021

La suprastanza propona da schar il pei da taglia sin 15% dalla taglia sempla sco entochen dacheu.

La radonunza decida unanimamein da schar il pei da taglia per 2021 sco tochen dacheu sin 15% dalla taglia sempla dil cantun Grischun.

8. Rapport dalla presidenta dil cussegl pastoral

La presidenta dil cussegl pastoral, Cristina Derungs, dat in cuort rapport sur dil curriu e passau.

Il rapport ei annexaus a quest protocol.

Cristina ha abdicau siu uffeci sco presidenta dil cussegl pastoral. Il president engrazia zun fetg ad ella pigl engaschi duront quels onns e givischta tut bien. Sco nova presidenta ei vegnida elegida Isabelle Defuns-Gamboni, ad ella in Dieus paghi.

9. Elecziuns

a) actura

Olivia Pfister resta vinavon actura, grond engraziament.

b) commember dil cussegl pastoral

Marcus Schmed ei vegnius elegius sco commember dil cussegl pastoral.

10. Informaziuns Baselgia Nossadunna dalla Glisch

Il president: La baselgia NDG ei vegnida renovada 89/91. Gl'onn vargau ha ei digrau giuden entadem baselgia-teschamber. La suprastanza ha discurriu da renovar igl entir tetg e colurar la fassada. Special Dessign, Patrick Rothmund, vegn a far las lavur da planisaziun dils cuosts tochen gl'atun. Las lavurs previdas vid la baselgia ein planisadas primavera 2022.

Daniel Tuor remarca ch'ei fuss surventscheivel sch'il hospezi fuss aviarts pli stedi. Sur Tomasz declara la situaziun culs proprietaris momentans.

11. Varia

Benedetg Albin ha discurriu cun las calustras ed il caluster da schar curdar uonn da schubergiar las baselgias. Tochen uss ein las baselgias buc vegnidas duvradas bia muort quei temps da Corona.

Sur Tomasz engrazia a tuts presents, principalmein al president Pieder per sia lavur duront gl'empren onn en uffeci; ad Olivia per siu engaschi e sustegn administrativ duront il temps senza messas; a Cristina per sia gronda lavur duront quels onns sco presidenta dil cussegl pastoral; als commembers dalla suprastanza; alla suprastanza da vischnaunca per dar il dretg da burgheis da Trun; a Serafin Rensch per siu sustegn duront tut quels onns; a tuttas personas activas en nossa cumminonza.

Serafin Rensch fa in grond compliment per igl agir duront il temps da corona e la bein redegida pagina d'internet.

Luregn Matias Pfister engrazia alla famiglia Scherrer per il bi cant e musica duront la s. messa per perdanonza a Schlans

Daniel Tuor engrazia a sur Tomasz per la pastoraziun en Casa Sogn Martin.

Sur Tomasz declara co ei vegn practicaud en las pleiv dal decanat duront quei temps da corona.

Pieder engrazia a tuts presents ed alla vischnaunca per far diever dalla sala ed al pedel Lotar.

Trun, igl 1. da fenadur 2020

L'actuara: Olivia Pfister-Tgetgel

Visau dil president: Pieder Decurtins